

本朝分省人物考

人物考卷之九十四目錄

山東濟南府

高復

王璉

宋性

耿通

李溢

趙文

王佐

鄒襲

趙紳

薛理

邢奇

張惠

李濬

尹旻

王允

張綱

李森

王敕

張鶴

李綱

畢亨

劉獻

李遜

趙璧

李芳

洪漢

徐暹

張海

邊貢

喬岱

孫銘

劉天民

仇相

李攀龍

于鯨

李開先

方 廉

沈 淵

王之猷

趙 卿

補遺

郁 細

徐以貞

張 諾

姜 佐

李 嵩

范 瑟

周 繼

王 詔

初 貞

王廷輔

趙世卿

本朝分省人物考卷之九十四

南直督學御史西浙過庭訓纂集

門人蘇松備兵副使南郡熊 膏叅閱

男 過銘盤

過銘簠

過銘簠

寧國府學生員嚴弘志全訂正

山東濟南府

高 復

高復字再興臨邑人洪武初擢知長春府事爲政有

惠愛早壽於城隍夜夢神告曰雨至矣天明果雨歲
遂登民歌頌其德改吉安府同知以老疾辭賜半祿
贍之卒勅葬上元縣

王 璁

王璉長山人器局沉凝學問精密師事宋濂洪武中
鄉舉至京召見試詩擢史館編修選入文華堂肄業
尋攝御史按河南回奏稱旨 上悅謂近臣曰文華
堂諸生如王璉等皆異日將相才也

宋 性

朱性德州人洪武中由國子生爲刑部主事署本部

右侍郎後謫湖廣按察副使調陝西永樂初陞四川布政司右叅政進刑部右侍郎所至以廉能稱卒人多惜之

耿 通

耿通齊東人洪武間領鄉薦任都給事中嘗面奏有犯無隱侍 太宗覽奏牘事其御案鎮紙金獅欹側將墜通趨進移置案中 上謂曰幾危哉通曰古人安不忘危况敢忍視其墜 上顧侍臣曰一器之微置於危處則危置於安處則安天下大器也獨可置之於危乎尋擢大理寺卿奉詔往安南諭以小事大

之禮安南臣服後負冤抑死于奸黨

李溢

李溢字守謙利津人由太學生擢戶部主事數載身無更衣遇聖旦命服錦繡假諸千戶者服之上詰其故具以對賜衣一襲歷任饒州府知府政績著聞尋陞山西左叅政

趙文

趙文字煥然山東齊河世族九歲充庠生十三食廩二十二貢入太學洪武癸亥選堪爲人師者太祖面諭注四川巴縣學教諭授符一勅一奉二親以往

抵任正身立教課試訓飭之條極備且嚴諸生化服
三載考績仍奉二親至京孝養愈至滿九年陞徽州
府學教授父卒安厝于歙東關服闋上書自陳母老
乞鄉郡便養遂授江西鄱陽學諭食教授祿母卒竭
力定卜於馬尾山奉二親葬焉服闋還齊河祭掃至
京師授湖廣岳州府授辛卯 詔吏部選老學之士
面諭授左春坊左中允輔 仁宗皇帝於東宮進講
經史悉寓箴規 睿旨嘉獎癸巳卒於南京年五十

有四

王佐

王佐海豐人永樂中領鄉薦入太學擢吏科給事中儀表凝重器宇深厚宣德中陞戶部侍郎正統中進本部尚書雖政務叢雜未嘗廢學士林重之後死於土木之難贈少保

鄒 襲

鄒襲字繼芳濟南衛人以進士拜官南京兵部郎中居官清苦及歸杜門三十餘年不出以詩文自娛有司數造其廬未嘗少于以私鄉人推重之

趙 紳

趙紳歷城人永樂間舉人初授監察御史激揚有聲

以劾尚書金蓮出爲揚州府同知後陞山西叅議轉江西叅政皆卓然有聲以老疾致仕朝廷念其廉介賜半俸養老

薛理

薛理歷城人永樂間進士授行在戶科給事中宣德初中官驕橫理論劾剴切尋授湖廣衡州知府有惠政嘗捐俸貲給士之窮乏者在郡數年以疾乞歸

邢奇

邢奇字彥美長清人天資穎悟議論敏捷蓄書萬餘卷時號書皮當道薦于朝以直言忤大臣授河泊官

在任歲餘歸卒於家著有繩菴集

張惠

張惠德州人永樂間任監察御史按雲南道池口驛
巨蛇傷人至沅陸有羣鴉啣火之異惠皆除之又嘗
奉詔招安諸蠻再按浙江處州民聚爲盜惠撫之州
郡獲安召拜禮部尚書卒於官

李濬

李濬字伯淵武定州人自居庠序時已爲流輩推服
由歲貢入太學永樂中擢行在四川道監察御史卓
然有聲宣宗卽位漢庶人據樂安州謀叛劫衆從

已濬以外艱家居語族人曰吾先世皆以忠孝爲立身之範今吾必不爲叛逆所辱汝等善自裁吾計決矣晨夜馳京告變朝廷仗大義討平之改樂安爲武定州嘉其忠陞都察院左僉都御史復賜以襲衣綵殷特賜誥命五年立廠於易州平山命督其事初庶事草創未備濬區畫有方不激不隨規模槩定未幾回院 英宗嗣統簡任賢能勵精圖治時濬丁內艱還適遼東守臣懈於邊備虜數入寇 上命在廷大臣舉素有才者一人往撫綏之僉以濬爲宜 上遂召蒞其事至則集諸將士宣布朝廷恩威諭以禦戎

之道莫重於守於是高城深池謹烽堠鳴刀斗揀精銳士馬分布要害暇則躬督屯田區畫措置由是邊儲充仞甲兵堅利自瀚海以東悉奏平寧上聞喜之進左副都御史仍勅以便宜行事在邊八年以目疾乞休致還未幾卒於家訃聞遣官祭葬如例

尹 晏

尹晏字同仁歷城縣人正統十三年進士改翰林院庶吉士授刑科給事中景泰間值國多事屢有建白皆力持正義天順初遷左給事中英廟重其器識欲大用之擢通政司右叅議未幾轉左時王師有事

陝西旻出總軍餉因陳備邊十事策皆鑒鑒可行以
憂去踰年驛召至京擢吏部右侍郎轉左久之進尚
書累加太子少保在吏部先後二十餘年甄別人物
躋才授任各得其職奸人李孜省方貴幸憾旻甚會
旻鄉人兵部郎中鄒襲坐累補外諸衛武官奏留之
吏部爲覆因謂旻子侍講龍所爲嗾發其陰事諸武
臣皆下獄罷襲爲民遂落旻太子太傅尋又訶龍他
事下詔獄內閣大學士萬安學士彭華皆以囑托不
遂構成之斥龍爲民令旻致仕卒於家年八十二訃
聞賜祭葬謚恭毅旻儀觀環奇神采英發有才略善

斷大事凡經鉉註雖稠人小吏既久猶識其名奸僞無所售而課功最實一以典勑是既退言者累疏薦起不果人至今稱之

王允

王允字執中歷城人少孤勵志讀書正統間登進士官至左布政使事每曲盡孝愛所至以清潔稱母卒廬於墓三年景泰五年有司旌其母貞節詔行詔旌其閭

張綱

張綱字大振長清人景泰丙戌進士拜監察御史時

曹吉祥欲庇一指揮孽庶奪嫡廢綱疏奏阻之人呼爲真御史出按寧藩削護衛軍士再巡湖廣有李總兵者遺千金劾奏落職屢陞僉都御史禦北寇奏捷憲廟嘗曰西有王越北有張綱朕何憂哉

李森

李森字時茂歷城人景泰丁丑進士授官給事中有直聲每奏先昇枢于外時成化間萬妃家人騎橫上疏指斥言甚剴切謫定州同知未任而卒

王敕

王敕字嘉諭歷城人成化甲辰進士及第授翰林編

修滿判夷陵陞四川僉事河南提學副使終南京國子監祭酒博極羣書尤善風角習堪輿推驗多中所著有五經通旨漫遊雲芝諸稿大成樂譜

張鶴

張鶴字用和歷城人成化間進士爲監察御史抗疏劾李孜省出爲彬州判官孝宗卽位起爲河南僉事值黃河泛漲督治有功汴民立生祠祀之累陞都御史巡撫遼東修飭堡伍尋詔入掌院時劉瑾竊權有吏殺人賂瑾求免鶴不從遂改南京尋逮獄削職而歸瑾敗復官學者稱其是止先生

李 綱

李綱字廷張長清人幼負志挺特不與凡兒狎讀書日記數千言下筆爲文不竊陳腐視世之侈靡者若將浼已嘗侍父州判君來京家僮驅車行狹道中偶失脚墜轍下車從身橫過衆以爲必無全理已而不傷若有神護持之者識者曰大難無危後當遠到天順丁丑登進士選授山西道監察御史慨然以功業自期明憲綱究律意舉大體略細故疏陳時政得失無所迴避其出巡南直隸浙江等處所至舉廉能黜奸貪風聲大振淮人有宦族子婦私通武弁子逾年

情衰以強奸訴時王巡撫威望嚴重訊問未畢武弁
子自誣服後綱按其事變之詰其所自乃得實蓋前
此嘗分艾灸指爲盟索瘢視之宛然相對遂得減律
不死在浙江時去贓吏四百餘人至有望風解綏今
士大夫猶能道其事目爲鐵御史常奉 勅於陝西
延綏等處編集土兵夷人性悍激之則變獨以處置
得宜夷民咸服事竣回京陞太僕寺少卿未三載馬
政之弊革除殆盡時有幕職素嗜榮進累托中使能
吹噓禍福者迫薦爲本寺丞綱毅然拒之終不從出
視馬政於真保諸郡有司不敢歛一錢於民自府寮

以下事不集者笞之行冀州道劇賊驅騎卒至乃從容解鑰與之賊指隸人曰此豈太僕寺李某耶隸人曰然衆賊曰無錢無錢遂不開箱上馬徘徊有退謝之狀節丁內外艱前後六載足跡未嘗出門卽吉轉右僉都御史綱素諳憲事凡疏奏必取省閱至淮奏准運船遭風飄流糧米者以免送聞未及二載運事畢舉人用大和至成化己亥以疾卒於官乎江伯陳公具棺殮如禮啓箱視之惟敝衣數事而已他無一物陳公曰眞君子也爲上章乞葬祭許之得壽五十五有五

畢亨

畢亨字嘉會新城縣人少遊庠校卽負經濟志成化甲午領鄉薦第二明年登進士戊戌授吏部驗封司主事乙巳陞本司員外郎丙午陞本司郎中弘治庚戌改考功司辛亥陞順天府丞甲寅奉命捕蝗忤權貴爲所中傷孝廟察其誣宥之時諫垣有躁進者素歎之遂乘隙誣劾調兩淮運同陞副使剗剔宿蠹於鹽船屯集處驗計掣割積弊以除適開中鹽引五十萬權璫家僮競先自占三之一亨曰利均則墮法行渠先得此如後來鹽引何時勢焰正赫人皆希

之毅然不聽鹽法御史委掣真州所鹽御史突至科
驗無他益加敬服東山青谿二公素慎許可時被召
入朝語人曰一路好官惟畢運使耳轉湖廣右叅政
淮人爲碑去思贈言者有瓊花觀裏長廊下千古清
風滿素碑之句武靖苗賊構亂督餉贊畫功多 詔
賜彩帛轉浙江右布政先是歲造官段二萬貯司年
久避咎莫敢驗發立檢僉解咸歎其難浙中饑出內
帑賑給旣有飛語中傷者事白而清操愈厲改陝西
左布政使未任陞都察院右副都御史巡撫甘肅閻
士伍出匿占三千人又簡丁餘爲遷卒莊浪有警率

師直抵城下屯師於郊令民樵牧有餘官給賞以充
儲特軍威大震虜遁去以憂歸軍士泣送之曰公去
我輩不獲生矣上聞遣官祭葬正德二年服闋陞南
京工部右侍郎湖廣河南災命兼右僉都御史巡視
至其地區畫無遺策境賴以寧比還當改兵部時逆
瑾欲引鄉人謂吏部曰此人性剛不宜此任四年仍
改工部尋陞尚書五年庚午有玉帶之賜未幾瑾敗
上其不法事請釐革誤及請封立祠例遂得罪罷歸
享才識過人駁歷中外所至赫然有聲初爲驗封主
事巡南城見一亡命曰此盜也一訊而服政少暇輒

及經史爲員外郎時常使

淮府行冊封禮饋遺一

無所受爲郎中時 憲廟上賓朝士有爲詩哀詠之

者索和不答或問之曰哀悼不暇何以及詩其識大

體類此進官尚書節財用嚴門禁省徵派杜請託風

裁凜然雖瑾之奸兇亦不爲撓旣遂閒陶然無所芥

蒂乃擇子姓教之於有司事一無所預士大夫尤服

其高乙亥卒遺命長子右副都御史照等曰吾官惟

有清白吾祖父以此傳家不可改汝輩讀書要深見

義理方是學不可苟也勉之我死後慎勿煩瀆 朝

廷求葬祭言已而逝更不及他器識英邁好學多聞

耿介正直之操出於天性平居接物有禮而嫉惡太甚以是被誣遭抑乞老不爲屈有大臣風

劉 獾

劉獾字廷珍濟南衛人成化己丑進士歷官刑部郎中才識明決折獄稱平陞都御史巡撫大同遼東兩鎮致仕卒自爲墓誌著平生勤苦之節

李 遜

李遜字敬之陽信人成化間舉進士任大理評事多平反疑獄嘗持命賑關中全活者甚衆屢陞四川按

察使有善政

趙璧

趙璧字潤夫歷城人成化戊戌進士授刑科給事中時萬妃家人驕橫璧奏劾謫榮經主簿天水高陽二詔討司讐殺不止璧奉命往諭至則帖服酬以金帛不顧而出弘治改元調無爲州判官尋陞知州陝西按察司僉事行部至永昌金川堡遇虜賊千餘騎璧挺身與敵斬首數十顆奪馬數十匹尋卒於官朝廷嘉其功遣官以羊酒祀其家

李芳

李芳字德馨濱州利津人成化丙辰進士授監察御

史劾尚書薛遠賸昭出按山西值歲荒奏發內帑賑之時汪直恃寵嘗令人誣告兵部尚書項忠不軌事命都御史王越往按其事越薦芳同往芳語同事者曰吾寧得罪於權倖豈可得罪於天下卒明忠之誣累陞江西按察使發奸擿伏吏畏如神時李孜省鄧常恩輩居要路族人恃勢凌人芳皆置之法年七十三引年歸卒于家

洪 漢

洪漢字天章章丘人成化壬辰進士授工部主事累陞江西叅政平桂林荆竹永福諸猺獞遷陝西左布

政擢都御史巡撫大同條陳地方便宜八事多見採行會朔州星變漢奏以爲夷狄侵中國之兆未幾虜果大舉入寇邊師失利漢亦坐去官有飛白大書于朝壁云洪漢無錢却去官蓋爲權奸中傷之也及歸貧不自給屢薦弗起

徐 邇

徐邇字進甫歷城人弘治壬戌進士任給事中正德初疏劾劉瑾竊柄械繫下獄榜笞幾死落職家居凡七載足不入城市瑾敗復起爲山西僉事尋陞副使時有鉅寇號混天王劫掠郡縣邇不煩兵以計平之

民爲之謠曰不發一矢賊乃盡死不荷厥戈賊死實多卒於官

張海

張海字文淵德州人成化間進士由都給事中擢順天府丞時中貴方用事海以公事往見不屈出知雲南鶴慶府累遷兵部侍郎會吐魯番侵擾哈密上命海錫之璽書海因條上六事多見采納於是吐魯番始相畏服哈密漸得自立海徑趨還言官論其不
安命謫山西右參政踰年致仕卒

邊貢

邊貢字廷實歷城人弱冠舉進士授太常博士擢戶科給事中遷太常寺丞出爲衛輝守久之以按察副使視湖廣學政移病歸 召拜太常少卿遷太常卿累進南京戶部尚書貢丰姿凝秀饒吏事好交與天下豪俠其所搜積金石古文幾徧屬 主上清明備閒秩亡所見稍稍游歷留司諸山水竟日夜而又好浮白多屈其坐人汪鋐時長憲心忌其名以爲罪論去之卒年七十七所著集行於世士林咸膾炙之

喬岱

喬岱字希申章丘縣人弘治辛酉以禮經魁多士壬

戊第進士除行人授四川道御史出按兩浙鹽政時
逆瑾竊威侵牟鹽利以不副望謫太平府教授整肅
精詳嚴于課士稱者曰是真嚴師而具法眼者也遷
鈞州判流賊猖獗精騎數萬一時至城下州又宗藩
所居民頗富庶賊必欲破之岱率衆登陴效死拒守
閱八日解嚴陞永城知縣兵火之後修城浚溝苦無
工費忽羣卒懼報曰掘土得銀往取之約以萬計自
是修浚畢舉人有更生之望調繁廬陵治與永豐相
連亂寇蜂起攻掠鄉村岱用計設奇悉就撲滅初邑
旱且風禾瘁民憂岱至雲結雨注偃禾盡起閭里歌

曰前在永城天賜銀而城成今在廬陵天賜雨而禾
興年餘陞廣德知州尋陞瑞州府同知會丁外艱服
闋銓部有知其淹者推陞山西僉事提督屯種帶管
河東事無巨細靡不迎刃而解州縣吏民有事或不
解行囊卽決斷歸矣癸未以母老乞致仕

孫銘

孫銘字日新鄒平人襲祖爵會昌侯銘自幼莊重沉
毅絕去綺紈之習嗜讀小學武書習射藝天性極孝
痛父早世思慕至廢寢食奉母敬養備至立身嚴慎
雖居勲戚不改儒素之風累封親藩餽遺一無所受

成化癸卯管理三千營弘治辛酉遷五軍耀武營正
德紀元改奮武營尋掌府軍衛提督神機營僉後軍
都督府事以平西夏功加太保歷典兵戎克修厥事
一時武臣尤爲稱首 上嘗御大內演武以技能稱
上意命掌右軍都督尋轉中軍都督府正德末 上
北巡南征銘總營務與文武重臣同心協議晝夜憂
勤保固京師中外倚重竟以勞瘁成疾不起屬續之
際戒其子曰予德薄官世爵兼太保名位已極恨無
以報國恩身後勿請謚贈以重予咎

劉天民

劉天民字希尹號函山歷城人十五遊郡庠督學陳矩菴一見奇之每令侍食于側正德丁卯中鄉試甲戌登進士丁艱服闋除戶部主事調吏部文選已卯諫止武皇巡幸罰跪五日廷笞三十辛巳世宗踐祚前諫罪者俱陞俸一級天民首與焉歷員外郎中甲申泣諫大禮復廷笞三十在文選登良黜劣遠近風動給事中陳姓者假以進君子退小人爲名上疏指摘天民調壽州知州陞南京宗人府經歷南刑部郎中庚寅陞河南副使分巡大梁時上命刑部錦衣審河南獄囚重刑者一千五百餘人得平反者

幾七百人天民之力爲多退語人曰吾之遺子孫只此足矣未幾爲胡御史所論改四川去汴之日士民號泣攀留車不能發乙未考察致仕辛丑無病卒所著有愧菴集遊蜀吟南行稿草蟲吟田間集并禹貢洪範二解

仇相

仇相淄川人正德八年知饒陽覈貧富差等按籍徵發靡不適均是復業者李能等百有餘戶民有訟以理委曲諭之民釋然有望廬而返者司府滯獄咸檄相平之境內有鼠竊繫逮良久相按罪抵元惡餘

皆釋去行無冤囚丁丑歲大饑督民揪齊採薇煎鹽
易粟且時加賑濟全活尤衆一日出途有饑民數輩
赤體乞食下車泣曰子不德以至災厲震集鬻已廩
衣之癟死者給棺槨掩覆野無暴骨貧男不能自娶
勸民資助完聚甚多滹沱河接唐沙二河頻年衝決
壞田相度宜捍禦害由是息又于堤口上下植柳二
萬餘株迄今永無水患九載滿秩去邑人爲立去思
碑於縣

李攀龍

李攀龍字于鱗號滄浪歷城人九歲而孤母張氏縕

繼教之嗜古文辭登嘉靖庚戌進士授刑部主事遷員外郎轉郎中曹事寢以劇守文法無害而其業日益進大司寇有制作輒以屬於鱗藉藉公卿間與其同舍郎徐中行梁有譽王世貞及舍人吳國倫考功宗臣相與切劘千古之事爲社會時有所賦題人人意自得最後于鱗出片語則人人自失也于鱗雅不欲以刀筆見長然其聽讞最號公平俄出守順德延見鄉老問疾苦爲興除利害政聲流播進官三輔嘗蠲馬牧地垂三千金留永濟倉粟毋灌輸京師以餉戍卒裁將作供比真定十之二置郵傳于沙河邯鄲

界中寬一邑力移郡尉置鉅鹿官亭扼盜衝又移巡
司黃榆嶺爲晉趙關前後爭得之臺使者無以難也
于鱗又謂京師仰東南餉不時至而燕齊汴趙邊河
百里而近者母出賦錢皆賦菽粟浮於河達京師緩
急一策也時頗疑之滿三載擢陝西按察副使視學
政于鱗謂陝古西京也先朝士大夫北地外多陽浮
慕古文辭而時離之思以實反其始亡何鄉人殷中
丞來督撫以檄致于鱗使屬文于鱗不憚上疏乞歸
乃差次古樂府擬之又爲錄別諸篇文益工不距而
走四裔大司空朱公衡時巡撫迫起之 穆宗初薦

起浙江按察海道副使俄遷布政司左叅政奉萬壽
表及賀道拜河南按察使中州士大夫聞于鱗來鼓
舞相慶而于鱗亦能摧亢爲和圓方互見其客稍稍
進無何大恭人捐館扶服還里尋暴病心痛卒年五
十七所著白雪集三十卷于鱗以古文詞創起齊魯
間諸弟子不曉何語咸指以爲狂至于有韻之文則
心靡間言蓋有夙授神解者

于 鯨

于鯨字子長歷城人四歲授章句九歲能文甫嘗舞
勺冠諸童子試督學裴公大奇之手攜入壺中與之

沐與之飯開府太倉王公世懋一試而三覆之曰阿
懋尚不及而于鱗先生會予告嘗指鯨爲千里神駒
定爲文章交邑左史殿卿者簡貴自負其家數覓快
婿難焉一日從衢路望見鯨驚曰此誰氏子真吾倩
矣鯨父遜謝不敢當而鯨挺身數言殿卿尤加贊異
曰此子真吾倩矣嘉靖甲子中鄉試戊辰成進士除
刑部主事 詔用曹郎備台臣選拜監察御史出按
真定指天而誓之曰此西走邯鄲道也使者不結一
絲往乃結一絲還人將唾吾背矣其所平反多引經
以斷邢州富人置同姓姬前使深文論戍適鯨一覽

笑曰于禮有之買妾不知何姓則卜之此尚不足城
日春而當戌乎立破械釋之自餘冤死刑往往原情
求活用是失江陵心及爪而還一襍被如京師而已
父之按順天用臺例遷太僕卿奉 言護江陵喪還
荊州舟過小孤舳艤千尾相銜俱敗江陵行李亦半
沒魚腹中而鯨艦卒破浪出無恙人謂有天意云偶
以甚口趣棹歸歸里每月朔合族上先人壠事嫠嫂
一無所憇遇季鮫友愛推與田宅商氏姑二女孤寢
館居之長乃擇嫁其卒以萬曆之戊戌得年五十有

李開先

李開先字伯華章丘人嘉靖戊子鄉試第二人明年第進士授戶部主事久之調吏部尋擢太常少卿罷歸開先七歲善屬文讀書一見成誦又知聲律吟咏之學舉進士時嘗運餉金至寧夏使還過訪太史康公海王公九思二公才雄睥睨一世見開先獨驩然相得踰年授戶部主事部爲金穀巨曹更有中貴爲監開先持法無撓以望調吏部往吏部率矜厓岸示尊開先獨數與諸友游人卒莫敢干以私者遷太常會九廟災自陳柄政者銜其不附已令歸歸時年

才四十卒年六十有八所著有閒居集十二卷雜集
二十一種

方廉

方廉新城人邑僻一隅無由得師遂入省從明師或病其勞曰吾徐行可得腹藁一篇固耽此不爲罷耳形家言新城學宮不利請遷城北多福寺更之僧持之堅縣官不能紓沙門洪聰夢神人語有社稷臣當出其中第勿爭工旣竣廉以嘉靖庚子舉鄉薦辛丑召對公車除南康府推官折郡獄如迎刃而解迎父養郡舍卒貧不能喪賴上官聘始歸葬主爵舉廉卓

異服闋例得臺諫廉謝乃受祠祭主事歷員外郎中
上有事齋宮罷朝十餘年廉時時計朝議不輟庚
戌虜入世宗猝臨朝朝儀無所失出守雲間島夷
寇數萬薄城下率以暇應之上海故無城再被寇乃
躬巡工城上海遷江西副使備九江郡遮道留不可
相率置祠俎豆之無何進廣東左叅政尋進右僉都
御史治軍督儲時兵荒代至抗疏數千言得減賦百
餘萬進右副都以言罷歸穆宗卽位起南大理卿
尋遷左副都御史總督漕運理淮揚諸郡故事中貴
守皇陵者闡受民詞按制禁止之轉南京工部右

侍郎三引疾請老許之邑中田賦多飛匿上書均之
歲饑請縣出粟賑貸松葛二谿隄圯倡衆築堤爲石
梁數十丈水不爲害新先正許公遠祀宇年七十卒

沈 淵

沈淵字子靜號澄川新城人嘉靖乙丑舉進士改庶
吉士授檢討修國史執事經筵戊辰分校禮闈辛未
東宮出閣校書入侍萬曆改元進編修爲經筵講官
開陳剴切明年擢國子司業 上幸太學進講尚書
賜金綺宴闕門攝大司成矩度極嚴少所假貸貴遊
高第凜凜步趨明年病三月餘卒貧無以殮

王之猷

王之猷字爾嘉其先瑯琊人自始祖貴徙居新城遂爲新城人父重光官太僕寺卿當世宗時建三殿太僕公督木於黔出入谿洞崎嶇迫阤間卒于事天子憫其勞賜祭贈官有加焉太僕公生六子次卽之猷隆慶庚午舉於鄉丁丑舉進士授平陽司理精於獄辨誣釋疑其以微訾煅煉成獄者皆平反之人不敢干以私有裨將某操守狠籍懼其敗也奉金幣爲壽以嘗之之猷正色發其貪狀致于法於是郡中廩廩無不震懾奏最擢禮曹郎有蜀藩爲假印文

以請封者衆莫辨熟視曰贗證之故牘果然於是條
上藩封議十二著爲令鳳陽等處大侵民羣起嘯聚
爲盜擢爲觀察副使備兵潁州議賑議蠲施糜粥平
糴價事事有法民於是相戒不爲盜而獨戮其渠魁
數十人江以北爲患莫如河築隄疏壅歲靡費度支
水衡錢數十萬自河決范家口嚙雙溝灌泗城祖
陵幾成巨浸河使者舉以相屬乃遍歷水濱望形勢
從上游以緩懸湍使得潔洄而下不至淜澗爲隄患
功成賜帑金紀錄晉浙江叅政將行父老相率泣轔
下願得再借王公當事者特疏請得借乃復蒞潁已

而以內艱歸相率戶祝之服闋起守河北河北濟源
按太行連王屋盜藪也加以採榷令下人情洶洶有
異心之猷以三郡無兵卒有變何以支乃留宣薦班
軍之半以衛河北召募民間健士銳卒五千人而河
北始有兵稽屯田之侵沒者餉兵而河北兵始有餉
冬無雪春無雨河北之民困之猷爲條行十二事歲
不爲災尋擢觀察使鎮維揚是時貂璫之使四出之
猷至力與璫爭減稅之半興化民金勝等坐稅事迕
璫璫怒令其驛丞逮勝等之猷禁丞勿與璫益怒并
欲逮丞又不與丞是時稅使勢張甚郡國守令監司

就吏訊者數矣於是人人爲之危而璫卒憚不敢發居常憫惄不事粉飾其所至惟以實心實政蒞之在淮揚以狼山濱海要地每以片帆巡行西抵江東入海勞瘁甚而不知也尋上書乞歸天子惜其才特予歸攝病痊召用舟次淮揚而終

趙卿

趙卿濟南人以本衛指揮起家累至宣府總兵子崇璧襲其官亦累至宣府總兵父子皆名將也卿御士嚴有紀律以才數用事崇璧沉毅寬博得士心有長者稱至其廉而好施父子一也卿老於家崇璧卒塞

上一軍將吏無不流涕再世貴顯家益貧落里人惜之

補遺

郁 細

郁綸字理之德州人進士景泰時知崇德時縣署廢久綸自學校壇墻街巷河渠市肆之類悉規畫繕理大盜章正等爲患設方畧擒之以素剛直不能俯仰忤當路罷去縣人以爲遺恨

徐以貞

徐以貞字本良山東長山縣人成化八年進士由寧

晉知縣選福建道御史謫松溪知縣弘治三年陞霸
州知州累陞右僉都御史巡撫陝西以忤逆瑾革職
復起巡撫真定瑾復中傷之降鳳陽府同知致仕後
復都御史致仕

張 諾

張諾字承之山東濱州人弘治九年進士由戶部郎
中改河南道御史以忤劉瑾出廣平府通判累陞四
川副使卒

姜 佐

姜佐字廷輔山東濱州人弘治九年進士由藁城知

縣選廣西道御史巡按應天劫瑾廷杖謫安東知縣陞太倉知州累陞山西僉事疏請致仕

李嵩

李嵩字維嶽山東濱州人弘治十二年進士由刑部員外改河南道御史巡按真定陞常州府知府殺流賊功陞俸二級疏請致仕

范瑟

范瑟字孔和濟南府人登進士選庶吉士授翰林編脩經筵講官明年謫開州判官勦巨寇量移大名有報筈發焉金也輒斥去擢南戶主事歷員外郎郎中

選四川叅議駐節川南道先是都蠻叛師討之不下
瑟至罷其兵躬以朝廷威信往諭之都蠻稽首謝
請內屬遷陝西按察副使分巡西寧道屬征羌道遇
暴風起車東入于西謂諸將曰是何祥也羌豈舍掌
吉而就紅崖乎乃趨紅崖羌果至迎擊大破之羌平
屬北虜來旁塞欲乘餘威驅之遣百戶齋牛酒往風
其王俺答曰使者乘障出士卒候望久勞苦無益

天子神靈諸羌豪先後既授首卽所請朔方騎士亡
慮三萬人張掖武威驍卒萬人羌降兵萬人不答將
焉置之虜無以應獻馬千匹謝頃之輒去莊浪則虜

在焉疑有伏走黃羊抵黃羊虜又在焉虜乃引去虜更寇復破其衆于紅崖尚書上其功未報明年以他奏報免官邊長老言瑟所起湟中塞百四十里稱累世功紅崖之役先利致敵再策羌虜一何雄也猶復制于脣舌故祚于虜可禦也祚于口不可詛也

周繼

周繼號志齋山東歷城人由進士歷陞南太常少卿最善堪輿在畱都環眺應天府學嘆曰好一畱庠惜未有以形家言脩之者未幾會大京兆乏人來攝府篆視學之日卽周覽詳畫以畱庠乾巽向宜補坎

氣助木氣會衆木以成林于是建青雲樓樹天下文
樞坊置聚星亭關文德橋謂十年間春闈必首占三
榜秋試必中至十餘人而後止爲請于撫臺王公學
臺房公按臺柴公命太學主生元貞張生仲鳩庄董
成此萬曆丙戌事也及戊子秋舉賢書者僅三人時
已巡撫應天榜出而愕然者久之至冬仲特委姑蘇
一縣佐來 留都刻以日時督命工役撤去學門內
磚屏易以木屏致期立就語人云來春 留都不發
大魁吾卽不信吾術明年己丑焦君竑果 殿試第
一乙未朱君之蕃亦 殿試第一戊戌顧君起元亦

舉南宮第一。殿試第三。神識真可謂洞如指掌矣。歷官愛士恤民。本諸天性。攝篆時課。試諸士鼓鑄駸駸。講枕談道。無倦期。士習翕然一不變云。

王 詔

王詔字孟宣。歷城人。以鄉舉知定州。定畿內地雜戎夷。守無善去者。詔更約法示誠信。釐弊幾盡。政化大行。蜀生卓某者。道定遺橐裝百金來言。自詔曰。第往有爲守者至。則有守者。一人生謂何不携而去也。守者曰。人有棄子者。我守公不忍也。爲流涕語之。我忍携金去使君。流轉于我公之境哉。梁御史按部猝入。

獄惟二繫囚焉先是州田多汙菜人不能市牛耕爲孔明木牛法代之耕力得半牛在定三歲擢開封府同知會朱儕鎮盜起陷尉氏詔卽往繫賊設伏扶溝下約舉幟翼攻之賊果向扶溝冒伏中遂鼓而捕首虜以還益微知賊家在扶溝必重棄妻子故也河決金相寺口水出地上一丈所石橋歸德間碑爲河二洪悉壅漕粟不得上議者請自孫繼口至清河口百餘里大興卒塞之非十四萬人不可計伐薪買石費十七萬餘緡詔往行河卽湛祭令水工表舉委而自蹈罷埋楗事卒徒勸赴畚鍤者百里雲舉凡三月河

隄成纔算九千七百餘繩賜從四品服色會母卒歸治喪比禪懸車不復出

初貞

初貞濟南府濱州人正德中流賊入城父雄被執賊欲刃其父貞以身蔽之賊怒砍折貞右手二指貞抱護如故賊濡兵血書孝子二字於垣而去父子得免于難事聞旌表

王廷輔

王廷輔濟南府德平人少有膂力善騎射正德間流賊猖獗廷輔與宋珏倡率得三百餘人賊將楊虎突

至城下二人奮勇却之明年虎復掠兩界縣令招往
禦之賊反攻官兵皆脆懦遇賊卽潰散廷輔曰縣官
仗吾兩人去則何以復命下馬步射殺數十賊矢盡
遇害而城卒賴以不陷有司上其事 諭祭于墓丘
亦德平人

趙世卿

趙世卿號南渚山東歷城人隆慶辛未進士以南兵
部主事于條議中譏切江陵出爲楚府長史又以考
功法處之江陵敗起之謫籍歷官戶部總督侍郎至
戶部尚書時值吏部乏正卿多係世卿代攝世卿筮

仕時卽負氣節兼勵清修所至各有樹立雖屢被
言以去要于生平大節無損也